



«Նոր ժամանակի կրթություն»

ՀԿ

Ջերթական ատեստավորման ենթակա
ուսուցիչների վերապատրաստման
դասընթաց

Ջետազոտության թեման`

Գործնական աշխատանքների իրականացումը առարկայի
դասավանդան ընթացքում

Առարկան` Աշխարհագրություն

Ջետազոտող ուսուցիչ` Տիգրանուհի Հովհաննիսյան

Ոսումնական հաստատություն` Մելանթոն Արսլանյանի
անվան Թալինի թիվ 1 հիմնական դպրոց

Արագածոտն 2022

Բովանդակություն

Ներածություն	2
--------------------	---

Գլուխ 1 Գործնական աշխատանքը որպես ուսումնական գործիք	
3	
1.1 Սովորողի մոտ մոտիվացիայի ստեղծում	3
1.2 Խոսքի և մտածողության զարգացում գործնական աշխատանքի ընթացքում	3
1.3 Համագործակցությունը գործնական աշխատանքում	
4	
1.4 Համագործակցային դասի պահանջները	4
Գլուխ 2 ԽՄԲԱՅԻՆ ԳՈՐԾՆԱԿԱՆ ԱԾԽԱՏԱՆՔ.....	6
2.1 Խաղը որպես գործնական աշխատանք.....	6
2.2 Գործնական աշխատանքի տեսակները	6
2.3 Վերարտադրողական գործնական աշխատանք	6
2.4 Մասամբ որոնողական գործնական աշխատանք	7
2.5 Ստեղծագործական գործնական աշխատանք	7
Գլուխ 3 ԳՈՐԾՆԱԿԱՆ ԱԾԽԱՏԱՆՔՆԵՐԻ ՆՊԱՏԱԿՆԵՐԸ	8
3.1 Սոցիալական հմտություններ	8
3.2 Նպատակային իրավիճակներ	8
Գլուխ 4 ԳՈՐԾՆԱԿԱՆ ԱԾԽԱՏԱՆՔՆԵՐԻ ԱՆՑԿԱՑՄԱՆ ՄԵԹՈՂՆԵՐԸ	9
4.1 Գործնական աշխատանքի գործնական մեթոդ	
9	
4.2 Գործնական աշխատանքի` ինքնուրույն աշխատելու մեթոդ	
9	
4.3 Գործնական աշխատանքի խմբային մեթոդ	
11	
4.4 Լաբորատոր գործնական աշխատանք	12
4.5 Անալիզ, իրավիճակային և գործնական խաղեր	
12	
Գլուխ 5 ԳՈՐԾՆԱԿԱՆ ԱԾԽԱՏԱՆՔԻ ՊԼԱՆԱՎՈՐՈՒՄԸ ՈՒՍՈՒՑՉԻ ԿՈՂՄԻՑ	
5.1 Գործնական աշխատանքի պլանի մշակում	13
5.2 Առարկայական գործնական աշխատանքների առարկայական նպատակները	14
Եզրակացություններ	15

ՆԵՐԱՃՈՒԹՅՈՒՆ

*Ասա ինձ ու ես կմոռանամ,
Ցույց տուր ինձ, ու ես կհիշեմ.
Թույլ տուր անեմ, ու ես կսովորեմ:*

Կոնֆուցիոս

Ամեն երեխա ծնվում է հետազոտող: Անհազ ծարավ տպավորությունների, հետաքրքրասիրության, դիտարկելու և փորձելու ձգտումը ինքնուրույն գտնել նոր տեղեկություններ դիտվում է որպես երեխային բնորոշ գծեր: Չենց այս բնական վիճակն էլ բերում է պայմանի՝ հետազոտական ուսուցում կազմակերպելու:

Վ.

Ա.

Սուխոմլինսկի

Ժամանակակից դպրոցի խնդիրն է ուսուցումն ավելի հետաքրքիր դարձնելը՝ ապահովել դպրոցում ստեղծագործական մթնոլորտ, գտնել նոր միջոցներ և հնարներ, որ ավելի հետաքրքրի դարձնի ուսուցումը, ունենա ճանաչողական նշանակություն և խթանի աշակերտների ստեղծագործական, արպտուն մտքի զարգացմանը:

Գործնական աշխատանքի նպատակը և խնդիրներն են՝

- ներկայացնել հիմնական նպատակը
- ինչի համար է գործնական աշխատանքը
- ինչ է նշանակում գործնական աշխատանք
- ինչ առավելություններ ունի գործնական աշխատանքը
- աշխատանքի բովանդակությունը
- աշխատանքի կողմնորոշումը
- աշխատանքի մեթոդները

ԳԼՈՒԽ 1

ԳՈՐԾՆԱԿԱՆ ԱՇԽԱՏԱՆՔԸ ՈՐՊԵՍ ՈՒՍՈՒՄՆԱԿԱՆ ԳՈՐԾԻՔ

Գործնական աշխատանքը ուսումնական գործընթացի տեսակ է և բազմաբնույթ խնդիրների կատարում: Եթե գործնական աշխատանքը իրականացվում է սիստեմատիկ, ապա նպաստում է ամրապնդելու գիտելիքները: Շատ հարմար է երկու-երեք դասից հետո լինի գործնական աշխատանք: Այն նպաստում է տրամաբանորեն յուրացնել նյութը և ճիշտ մեկնաբանել այն: Եթե դասանյութը տալիս է ընդհանրական գիտելիքներ, տեղեկություններ, որը բավական դժվար է յուրացնել միայն լսելով, ապա գործնական աշխատանքը հնարավոր է դարձնում հասկանալ դժվար ըմբռնվող տեղեկության բուն նպատակը: Գործնական աշխատանքը սովորողին բերում է գիտակցման, որ պարզապես նյութի անգիր իմացումը շատ քիչ է, անհրաժեշտ է ապացուցել սեփական գիտելիքների մակարդակը գործնական իմացությամբ:

1.1 Սովորողի մոտ մոտիվացիայի ստեղծում

Մանկավարժության հիմնական նպատակներից մեկը սովորողի ուսումնական գործունեության ակտիվացումն է: Ակտիվության սկզբունքը ենթադրում է, որ ուսումնական գործունեությունը պետք է պարունակի մոտիվացիայի (հետաքրքրության բարձր մակարդակ), գիտելիքների, կարողությունների յուրացման պահանջմունք, արդյունավետություն և

յուրացում սոցիալական նորմերին: Այս նպատակների հասնելու լավագույն միջոցը գիտելիքի և գործնական աշխատանքի համագործակցությունն է որպես ուսուցման գործիք:

1.2 Խոսքի և մտածողության զարգացում գործնական աշխատանքի ընթացքում

Սովորողի մտավոր կարողությունների ձևավորման խնդիրներից է խոսքի և մտածողության զարգացումը: Այն ձևավորվում է շրջապատող իրականությունը ճանաչելու ընթացքում: Այդ նպատակներից ելնելով՝ ուսուցիչը ընտրում է այնպիսի եղանակներ և մեթոդներ, որոնք կնպաստեն այդ գործընթացին: Գործնական աշխատանքի նպատակն է զինել սովորողին կարողություններով և հմտություններով՝ ելնելով կոնկրետ առարկայի հատկանիշներից: Գործնական աշխատանքի սիստեմատիկ կատարումը կարևոր միջոց է ձեռք բերելու այնպիսի մտածելակերպ, ինչպիսին է անալիզը, սինթեզը, համեմատությունը, ընդհանրացումը, կապը իմացության և գործնական ուսուցման, զարգացնում ճանաչողությունը և սովորողի ինքնուրույնությունը: Գործնական աշխատանքը օգնում է կոնկրետացնել և ամրապնդել գիտելիքը, պահպանել և օգտագործել հմտությունները և կատարելու հնարքները:

1.3 Համագործակցությունը գործնական աշխատանքում

Համագործակցությունն ինչ-որ տեղ խաղ է, որը տանում է սովորողի անհատականությունը և աշխարհընկալումը լիարժեք ընկալելուն: Համագործակցության միջոցով բացահայտվում է յուրաքանչյուր սովորողի ներուժը, զարգացնում է երեխայի ուշադրությունը մտածողությունը, երևակայությունը, իրար լսելու կարողությունը, միմյանց օգնելու հմտությունը և համբերատարությունը:

1.4 Համագործակցային դասի պահանջները

Այն կազմակերպելուց պետք է հաշվի առնել որոշակի նորմեր, պայմաններ.

- հանձնարարվող նյութը հասկանալի լինի համագործակցող խմբի բոլոր մասնակիցներին
- թեմայի բովանդակությունը համապատասխան լինի մասնակիցների գիտելիքների և կարողությունների մակարդակին
- համագործակցությունը նպաստի հետաքրքրությունների ձևավորմանը, գիտելիքների հարստացմանը
- նպաստի լսելու, միմյանց կարծիքը հարգելու, հաղորդակցվելու և ճշտելու կարծիքները՝ միմյանց հետ համադրելով
- կարողանալ ներկայացնել խմբային աշխատանքը և լրացնել միմյանց մտքերը
- մեկը մյուսի միտքը ընկալելու և շարունակելու հմտության ձևավորմանը

Համագործակցային դասի օրինակ՝

Ուսումնասիրել օդային թաղանթը մի քանի ուսումնական առարկաների դասաժամերին:

Ուսումնասիրությունը աշխարհագրության դասաժամին՝

- ինչ է օդային թաղանթը
- ինչ ազդեցություն ունի աշխարհագրական թաղանթի վրա
- ինչ շարժումներ է կատարում (քամիներ)
- օդային զանգվածների դերը աշխարհագրական երևույթների վրա
- եղանակային երևույթներ
- կլիմայաստեղծ գործոն

Ուսումնասիրությունը ֆիզիկայի դասաժամին՝

- օդի խտության ուսումնասիրություն
- օդի ֆիզիկական հատկանիշները
- օդը որպես ջերմամեկուսիչ

- դիմադրողականության ուժ

Ուսումնասիրությունը քիմիայի դասաժամին՝

- օդի բաղադրությունը
- քիմիական տարրերի առկայությունն օդում
- օդի մասնակցությունը քիմիական ռեակցիաներին

Ուսումնասիրությունը կենսաբանության դասաժամին՝

- օդի ազդեցությունը բուսական ու կենդանական աշխարհի վրա
- օդը որպես կենսական միջավայր կենդանի օրգանիզմներ համար

Այս ձևով անցկացված համագործակցային դասը նպաստում է բացահայտել օդային ավազանի բազմաբնույթ նշանակությունը աշխարհագրական թաղանթի համար և բարձրացնել աշակերտների մոտ սեփական գիտակցումը օդային ավազանի մաքուր պահելու էկոլոգիական նշանակությունը:

ԳԼՈՒԽ 2

ԽՄԲԱՅԻՆ ԳՈՐԾՆԱԿԱՆ ԱՇԽԱՏԱՆՔ

Խմբային գործնական աշխատանքը օգնում է գիտելիքը գործնականում կիրառելու կարողություն ձևավորելուն:

2.1 Խաղը որպես գործնական աշխատանք

Գործնական աշխատանքը ինչ-որ տեղ նման է խաղի, և սովորողը չի գիտակցում, որ դաս է անում, հատկապես երբ աշխատանքը կազմակերպվում է փոքր խմբերով: Այստեղ աշխատանքը՝ ուսուցման պրոցեսը կատարվում է հաճույքով, երեխան հետաքրքրությամբ և համագործակցելով է աշխատում: Ինքը մենակ չէ,

պատասխանատվությունը միայն իրենք չէ, և սովորում է լավ աշխատանք կատարելու ժամանակ ուրախությունը կիսել ընկերների հետ, իսկ սխալ աշխատանքն էլ այնքան սարսափելի չէ, քանի որ դա միայն իրենք չէ:

2.2 Գործնական աշխատանքի տեսակները

Գործնական աշխատանքներ կիրառվում են ուսումնական բոլոր առարկաներից: Այն ստեղծվում է յուրաքանչյուր առարկայի չափելի վերջնարդյունքների վրա, որն էլ պայմանավորում է աշխատանքի և առաջադրանքների տեսակի ընտրությունը:

Գործնական աշխատանքի տեսակը որոշվում է սովորողի գործունեության ձևով: Լինում են՝

- վերարտադրողական
- մասամբ որոնողական
- ստեղծագործական

2.3 Վերարտադրողական գործնական աշխատանք

Վերարտադրողական գործնական աշխատանքը հնարավորություն է տալիս ցուցադրելու և բացահայտելու ինչ է սովորել և ինչ է կարողանում անել աշակերտը, օրինակ՝ օգտվել քարտեզներից, տարբերել քիմիական տարրերը, նյութերը և այլն:

2.4 Մասամբ որոնողական գործնական աշխատանք

Մասամբ որոնողական գործնական աշխատանքը ունի ոչ միայն որոշակի գիտելիքներ ըստ վերարտադրողականության, այլև հնարավորություն է տալիս կատարել լրացումներ, լուծում տալ առաջադրված խնդիրներին, օրինակ՝ սովորողը կարողանում է օգտվել կողմնացույցից և գտնել հորիզոնի կողմերը, աշխատել քարտեզով, ստեղծել նյութի սխեմատիկ պատկեր, նկարագրել երևույթներ և այլն:

2.5 Ստեղծագործական գործնական աշխատանք

Ստեղծագործական գործնական աշխատանքի ժամանակ սովորողը կարողանա գտնել առաջադրված խնդրի լուծումը ինքնուրույն կամ դա կատարի խմբի անդամների հետ՝ ցուցադրելով կարողությունների զարգացման որոշակի մակարդակ: Այս աշխատանքում նա պետք է օգտագործի ոչ միայն տվյալ առարկայից գիտելիքներ, այլև այլ առարկաներից ունեցած գիտելիքներն ու կարողությունները, օրինակ կատարի հատակագծում՝ օգտագործելով գիտելիքներ մաթեմատիկայից, զծագրությունից և այլն:

ԳԼՈՒԽ 3

ԳՈՐԾՆԱԿԱՆ ԱՇԽԱՏԱՆՔՆԵՐԻ ՆՊԱՏԱԿՆԵՐԸ

Գործնական աշխատանքի հիմնական նպատակներն են տալ գիտելիքներ և սովորողի մոտ զարգացնել հմտություններ ու կարողունակություն:

3.1 Սոցիալական հմտություններ

Սովորողի սոցիալական հմտությունների ձևավորումն ու զարգացումը նպատակ ունի կոնկրետ խնդիրների լուծման, օրինակ որևէ գործնական աշատանք կատարելուն և ոչ միայն դա: Սոցիալական հմտություններն ուղղված են

- կիրառելի գործնական ու տեսական գիտելիքներ մատուցել
- զարգացնելու անհատի ինքնադրսևորումը
- սովորողի կենսագործունեությունը ապահովող հմտության զարգացումը
- զարգացնել կրթության շարունակականությունը ապահովող հմտություններ
- սոցիալական հմտությունների միջոցով բերել մասնագիտական կողմնորոշման:

3.2 Նպատակային իրավիճակներ

Գործնական աշխատանքների միջոցով ստեղծվում են իրավիճակներ, որոնք սովորողներին մղում են ինքնուրույն դիտարկումներ կատարելու, ինչպես նաև համագործակցության: Սովորում են ինքնուրույն եզրահանգումներ անել, վերլուծելու կարողություն ունենալ, որոշումներ կայացնել, օգտվել առաջարկվող գրականությունից, համադրել, համեմատել, չափել և այլն: Գործնական աշխատանքների միջոցով ձևավորվում են գործնական հմտություններ և կարողություններ և գիտելիքների գործնական կիրառման կարողություն: Գործնական աշխատանքը բերում է փորձի և գործնական հմտությունների զարգացման, նաև կազմակերպչական և տնտեսական հմտությունների ձեռքբերում: Գործնական աշխատանքներ կատարելիս սովորողը ինքնուրույն է իրականացնում ձեռքբերված տեսական գիտելիքների և կառուցողական հմտությունների գործնականում կիրառումը:

ԳԼՈՒԽ 4

ԳՈՐԾՆԱԿԱՆ ԱԾԽԱՏԱՆՔՆԵՐԻ ԱՆՑԿԱՑՄԱՆ

ՄԵԹՈՂՆԵՐԸ

Գործնական աշխատանքները բնույթով և մեթոդներով տարբեր են, բայց ուղղված են մի նպատակի՝ զարգացնել սովորողի գիտելիքները, հմտությունները և կարողունակությունները:

4.1 Գործնական աշխատանքի գործնական մեթոդ

Գործնական աշխատանքի գործնական մեթոդը ենթադրում է գործնական աշխատանքների ինքնուրույն կատարում: Սովորողի ձեռքբերած գիտելիքները հիմնավոր են և օգտակար այնքանով, որքանով նա կարող է դրանք գործնականում կիրառել: Այդ գիտելիքների կիրառության կարողունակությունը զարգացնելու համար նախատեսվում են գործնական աշխատանքներ՝ ելնելով ուսումնական առարկաների առանձնահատկություններից, օրինակ՝

- լաբորատոր պայմաններում աշխատելու փորձ
- նոր տեխնոլոգիաների յուրացում
- ֆիզիկական պատրաստվածություն
- մոդելավորում և տեսական գիտելիքների կիրառում
- գործիքներով և սարքերով աշխատելու կարողություն
- տեղանքում կողմնորոշվելու ունակություն
- որոշակի ձևաչափով գրության կազմում
- մշակույթային և կենցաղային հմտություններ:

Գործնական աշխատանքները կարելի է կատարել թե՛ դասի ժամանակ, թե՛ դասից դուրս:

4.2 Գործնական աշխատանքի՝ ինքնուրույն աշխատելու մեթոդ

Սա սովորողի ինքնուրույն գործունեության տեսակ է, որը հնարավորություն է տալիս սովորողին զարգացնել ինքնուրույն ճանաչողական մտածողություն: Սովորողի պետք է կարողանա կատարել իրեն տրված աշխատանքը ինքնուրույն, կարողանա կոնկրետ նպատակներ դնել և գտնել դրանց լուծման ճանապարհը, ձևը, պլանավորի իր

անելիքները և ստանա վերջնական արդյունք, վերջինիս հիման վրա կատարի եզրահանգում: Այդպիսի գործնական աշխատանքի ժամանակ սովորողը պետք է կարողանա ինքնուրույն կատարել առաջադրանքները, որը կխթանի նրա ստեղծագործական մտածողությունը, հմտությունը, երևակայությունը և իմացական հետաքրքրությունը: Ինքնուրույն աշխատանքի ժամանակ աշակերտները սովորում են գլխավորը երկրորդականից առանձնացնել, ինքնուրույն աշխատանքը նպաստում է սովորողի խոսքի զարգացմանը և բառապաշարի հարստացմանը:

Ինքնուրույն գործնական աշխատանքը մի կողմից արդեն ձեռքբերված ինքնուրույնության արտահայտումն է, մյուս կողմից ինքնուրույնության զարգացմանը նպաստող միջոց: Ինքնուրույն աշխատանքները որպես գործնական աշխատանքի տեսակ նպաստում են զարգացնելու սովորողի տրամաբանությունը, ճանաչողությունը և ակտիվությունը: Ինքնուրույն աշխատանքի հմտությունները իրենք իրենց չեն առաջանում, դրանք անհրաժեշտ է ձևավորել և այդ գործում մեծ դեր ունի ուսուցիչը: Գործնական աշխատանքի համակարգված կասմակերպմամբ հնարավոր է հասնել այն բանին, որ սովորողները ճկուն և խորը յուրացնեն հասկացությունները, օրհանչափությունները: Սովորողի մոտ դաստիարակել նորը ճանաչելու ցանկություն և զարգացնել այն կարողությունները, արարնք անհրաժեշտ են ինքնակրթության և ինքնակատարելագործման համար: Սովորողը ձեռք է բերում աշխատանքի համար կարևոր նյութեր ընտրելու կարողություն, սովորում և իրականացնում է ինքնաստուգում և ինքնավերաստուգում: Ինքնուրույն գործնական աշխատանքի հաջողությունը կախված է մանկավարժից, նա պետք է նախատեսի աշխատանքի բարդության մակարդակը, ծավալը, հնարավոր սխալները, դժվարությունները, որոնք կարող են ծագել երեխայի մոտ աշխատանքի կատարման ընթացքում: Մանկավարժը պետք է նախատեսի ինքնուրույն աշխատելու կարողությունները ստեղծվում են աստիճանաբար բարդացող առաջադրանքների միջոցով: Ուսուցիչը պետք է որոշի առաջադրանքների տեսակը, տեղը դասի ընթացքում, բացատրի նպատակը և կատարման քայլերի հաջորդականությունը: Առանձին աշակերտներին անհրաժեշտության դեպքում ցուցաբերի օգնություն:

Կառուցողական ինքնուրույն աշխատանքները սովորեցնում են վերլուծել իրադարձությունները, երևույթները, փաստերը, ձևավորում են ճանաչողական գործունեության հնարներ և մեթոդներ: Կառուցողական ինքնուրույն աշխատանքները նպաստում են ճանաչողության նկատմամբ ներքին դրդապատճառների զարգացմանը, պայմաններ ստեղծում սովորողի մտավոր ակտիվության զարգացման համար: Ինքնուրույն աշխատանքի համար ցանկալի է այնպիսի առաջադրանքներ, որոնց կատարման համար կպահանջվի գիտելիքների կիրառում նոր իրավիճակներում: Միայն այդ դեպքում ինքնուրույն աշխատանքը կնպաստի սովորողների ճանաչողական ունակությունների ձևավորման և նախաձեռնողականության դրսևորմանը:

4.3 Գործնական աշխատանքի խմբային մեթոդ

Խմբային գործնական աշխատանքը լավ արդյունք է տալիս, երբ կիրառվում է դպրոցից: Դպրոցականները սովորում էին սովորել խմբային աշխատանքով, կատարում են աշխատանքի բաժանում, պայմանավորվածություն են ձեռք բերում, ստանում են ընդհանուր արդյունք: Խմբային գործնական աշխատանքը օգնում է շփման նոր ձևերի յուրացմանը և կոնֆլիկտների լուծմանը: Գործնական աշխատանքի խմբային մեթոդը նպաստում է գործնական աշխատանքը ավելի արդյունավետ դարձնելուն: Խմբային աշխատանքը արդյունավետ է դարձնում ուսումնական գործընթացը, նպաստում սովորողի համագործակցային կարողությունների զարգացմանը: Խմբային աշխատանքների շնորհիվ աշակերտների մոտ զարգանում են կարևոր մարդկային հատկանիշներ՝ լսել և հարգել մյուսների կարծիքը, համագործակցել, կրել պատասխանատվություն խմբի համար: Խմբային գործնական աշխատանքների ժամանակ նուևիսկ ամենաթույլ կարողությունների տեր աշակերտը ձգտում է մասնակցել աշխատանքներին, նա թեկուզ փոքր, բայց որոշակի ներդրում է ունենում տրված առաջադրանքների կատարմանը: Խմբային աշխատանքը օգնում է ձևավորելու միմյանց օգնելու ցանկություն և կարողություն:

Աշխատանքային խմբում ձևավորվում է միմյանց խրախուսելու, աջակցելու մթնոլորտ, սովորողների ջանքերը ուղղվում են ընդհանուր նպատակին հասնելուն: Խմբային աշխատանքը նպաստում է, որ ձևավորվի որոշակի վարքագծային նորմեր՝ անաղմուկ աշխատանք, սեփական մտքերը կիսելու կարողություն, սեփական ներդրումն ունենալ խմբային աշխատանքում, կարողանալ ներկայացնել խմբի աշխատանքի արդյունքները և այլն: Խմբային գործնական աշխատանքի ժամանակ երեխան լավ է յուրացնում գիտելիքը, եթե այն ստացել է լսելով, տեսնելով, շոշոփելով, կարդալով, նկարելով: Գործնական աշխատանքը պիտի լինի (հատկապես տարրական դպրոցում) վառ ներկայացված, որպեսզի սովորողի ուշադրությունը ուղղվի անհրաժեշտ ուղղությամբ, նպատակին:

4.4 Լաբորատոր գործնական աշխատանք

Լաբորատոր գործնական աշխատանքը ուսուցման տեսակ է, որը սովորողը կատարում է ուսուցչի անմիջական ղեկավարությամբ: Գործնական աշխատանքի այս տեսակը սովորաբար կիրառվում է ֆիզիկայի, քիմիայի, կենսաբանության և այլ առարկաներից: Լաբորատոր աշխատանքի հիմնական նպատակը նորից տեսական գիտելիքների ամրապնդումն է փորձի միջոցով: Օրինակ քիմիայից կարելի է կատարել փորձ՝ խառնելով տարբեր նյութեր, ապացուցելու կընթանան քիմիական ռեակցիա, թե ոչ: Սովորողը դա գիտեր տեսական դասից, և այն կամրապնդվի փորձի միջոցով: Իսկ օրինակ ֆիզիկայից լաբորատոր փորձի միջոցով հաստատել, որ կա ազդեցություն և հակազդեցություն, հավաքել շղթա և այլն: Կենսաբանությունից լաբորատոր աշխատանքի ընթացքում ուսումնասիրել բջջի կառուցվածքը և այլն:

Լաբորատոր աշխատանքների ընթացքում սովորողը ձեռք է բերում հմտություններ քիմիական նյութերի և ռեակտորների հետ աշխատելու, սովորում է զգույշ և կոկիկ աշխատել, ուշադիր լինել թե ինչ, ինչքան և ինչպես խառնել, արդյունքում ինչ հետևանքներ կլինեն: Սովորողը հասկանում է իր պատասխանատվությունը փորձի ժամանակ: Սրանք շատ

արժեքավոր հմտություններ են, որ ձեռք են բերվում լաբորատոր աշխատանքի ժամանակ, և բառերով բացատրելով դժվար է սովորեցնել:

4.5 Անալիզ, իրավիճակային և գործնական խաղեր

Այս բոլոր հնարների ժամանակ համագործակցում են մարդու ինտելեկտուալ հնարավորությունները՝ ձեռքբերված տարբեր առականներից, և ստիպում են տեսնել իրավիճակը տարբեր տեսանկյունից, հանդես գալ տարբեր դերերում, կատարել տրամաբանական ճիշտ եզրահանգումներ:

ԳԼՈՒԽ 5

ԳՈՐԾՆԱԿԱՆ ԱՇԽԱՏԱՆՔԻ ՊԼԱՆԱՎՈՐՈՒՄԸ ՈՒՍՈՒՑՉԻ ԿՈՂՄԻՑ

5.1 Գործնական աշխատանքի պլանի մշակում

Գործնական աշխատանքի պլանը մշակվում է որոշակի նպատակով: Գործնական աշխատանքի անցկացման սկզբում ուսուցիչն ունի մուտքի խոսք՝ հայտնում է թեման, նպատակը և գործնական աշխատանքը անցկացնելու կարգը: Կարելի է նաև էկրանին արագ անցկացնել թեմայի համար նախատեսված նկարներ, որ ակտիվացնի սովորողի հիշողությունները այդ պարապմունքի մասին:

Գործնական աշխատանք կարելի է իրականացնել տարբեր սխեմաներով, օրինակ սովորողը կատարում է առաջադրանքը ինքնուրույն, իսկ ուսուցիչը շրջում է շարքերով և հսկում աշխատանքը: Եթե մեծամասնությունը չի կարողանում կատարել առաջադրանքը, ապա կարելի է մի պահ դադարեցնել աշխատանքը, տալ անհրաժեշտ բացատրություն ևլ ավելի հասկանալի դարձնելու համար: Սա մասնակի բացատրական մեթոդ է, որը օգտագործելով կնկատվի սովորողի գիտելիքների աճ և ի հայտ կգան նշաններ ինքնուրույն ստեղծագործելու:

Գործնական աշխատանքի նպատակն է սովորեցնել մտածել և ցանկացած խնդիր լուծել սխեմայով, Էտապներով, որոնցից յուրաքանչյուրը նպատակաուղղված է: Ստեղծելով համակարգը (տվյալ թեմայից) անհրաժեշտ խնդիրներ առանձնացնելով կոնկրետ գիտելիքների համար հաշվարկելով պահանջվող ժամանակը՝ ուսուցիչը անցնում է պլանի մշակման: Գործնական աշխատանքը կատարելու համար առաջարկվող պլանի ձև՝

- որքան ժամանակ է պետք գտնելու հարցերի պատասխանները
- որքան ժամանակ կծախսվի տնային աշխատանքն ստուգելու համար
- ինչ օրինակներ և խնդիրներ կլուծվեն դասի ժամանակ և ինչ հետևողականությամբ
- ինչին ուշադրություն դարձնել այս կամ այն խնդիրը լուծելիս
- ինչպես տեղակայել գծագիրը և հաշվարկը տվյալ խնդրի
- ում հարցնել տեսական նյութը և ում կանչել գրատախտակի մոտ խնդրի լուծման համար
- ինչ հարցեր առաջադրել տեղից պատասխանելու համար
- ինչ հարցեր առաջադրել ուժեղ աշակերտներին
- ինչ հանձնարարություն տալ տնային ինքնուրույն աշխատանքի համար:

5.2 Առարկայական գործնական աշխատանքների առարկայական նպատակները

Գործնական աշխատանքները իրենց բովանդակությամբ և պահանջներով տարբեր են: Չետևաբար տարբեր են նաև նպատակներն ու պահանջները, ձևավորվող կարողություններն ու հմտությունները: Ստորև բերված են մի քանի ընդհանրական որակներ: Նպատակներ որոնց կարելի է հասնել գործնական աշխատանքով՝

- հետևել գործնական աշխատանքի ժամանակ ընթացող պրոցեսներին և միաժամանակ հետազոտել
- բացահայտել տրամաբանական և փոխադարձ կապեր
- երևույթը բնութագրող հատկանիշների բացահայտում

- հաշվարկների կատարում և դրանց ամրապնդում փորձի միջոցով
- փորձի արդյունքում ստացվող նոր նյութի և արդյունքի ուսումնասիրություն
- փորձարկվող երևույթի կամ պրոցեսի գլխավոր հիմնադիր հատկանիշների բացահայտում
- փոխկապակցված կապերի բացահայտում, բնութագրում և վերհանում:

ԵՉՐԱԿԱՑՈՒԹՅՈՒՆՆԵՐ

Այսպիսով, գործնական աշխատանքը ձևավորում է գիտելիքների խորացում, ամրապնդում և կոնկրետացում և հմտություններ ապագա մասնագիտական գործունեության համար:

Ձարգացնում է կարողություններ դիտարկելու, հետազոտելու, բացահայտելու, վերլուծելու ուսումնասիրվող երևույթի էությունն ու զարգացումը: Գործնական աշխատանքի կազմակերպումը պարզից բարդ աճին զուգընթաց կբերի ուսուցման ընթացքում դրական էմոցիաների՝ սեփական հաջողություններից ելնելով: Նպաստում է ստեղծագործելու, որոնումների, բացահայտելու: Սովորողին տրվում է հնարավորությունն ինքն իրեն բացահայտելու իր հնարավորությունների և ունակությունների շրջանակում: Ուսուցիչը պետք է հանդես գա խորհրդատուի դերում և ոչ մի

կերպ չսահմանափակի սովորողի ինքնուրույնությունը, նախաձեռնողականությունը և ստեղծագործելու ունակությունը: Այսպիսով գործնական աշխատանքը լրացուցիչ միջոց է տեսական գիտելիքների յուրացման համար: Այն ձևավորում է հմտություններ գծագրեր, սխեմաներ, գրաֆիկներ կազմելու և եղած գիտելիքները ամրապնդելու և կատարելագործելու համար: Գործնական աշխատանքը ձևավորում է ինտելեկտուալ կարողություն և հմտություն պլանավորելու, անալիզի, շփման, գոյություն ունեցող մեխանիզմի յուրացման և նրա օգտագործման և ղեկավարման հմտության ձևավորում:

Ձևավորում է գիտելիքների կուտակում արտադրության կազմակերպման համար, ինչու չէ՛ նաև աշխատանք կազմակերպելու և ղեկավարելու նախնական հմտություններ, գիտելիքը կյանքին կապելու և ապագայում ճիշտ մասնագիտություն ընտրելու, աշխատանքային պայմաններում ճիշտ ինքնադրսևորման համար: Գործնական աշխատանքը ընձեռում է մասնագիտական կողմնորոշման հնարավորություն:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. www.autogear.ru
2. www.tert.nla.am